



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

03.10.2023

561-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarini buzish holatlari kuzatilmoqda.

Jumladan, 2023-yil 20-sentabr dars jadvaliga muvofiq Xalqaro huquq va qiyosiy huquqshunoslik fakulteti 1-kurs talabalariga TDYU 2-binosi 308-xonasida o'qituvchi D.Raxmonova tomonidan "Davlat tilida ish yuritish" fanidan dars mashg'uloti olib borilgan. Mazkur dars jarayonida talaba Hojimurodova Muqaddas Safarali qizi o'qituvchi D.Raxmonovaga hurmatsizlik qilgan hamda o'qituvchi bilan tortishib "isqirt" deb haqorat qilgan.

Mazkur holat bo'yicha o'qituvchi D.Raxmonova tomonidan bildirgi kiritilib, talaba Hojimurodova Muqaddas Safarali qizi dars jarayonida unga hurmatsizlik va haqorat qilgani uchun tegishli chora ko'rish so'ralgan.

Talaba M.Hojimurodova o'z tushuntirish xatida o'qituvchi D.Raxmonovaga hurmatsizlik qilgani va "isqirt" deb haqorat qilganini tan olgan.

Talaba M.Hojimurodova mazkur harakatlari bilan TDYU Odob-axloq kodeksi 16-moddasi ikkinchi xatboshisi (har qanday huquqbuzarlik yoki jinoyat sodir etish, jumladan, tuhmat qilish, haqoratlash); 18-moddasi 2-bandi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyman man etiladi); talabalarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 16-moddasi ikkinchi xatboshilari, 18-moddasi 2-bandi hamda universitetning Ichki tartib qoidalari (ichki mehnat tartibi qoidalari) 83-bandiga asosan

## **BUYURAMAN:**

1.Universitet Odob-axloq kodeksi 16-moddasi ikkinchi xatboshisi hamda 18-moddasi 2-bandi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabasi Hojimurodova Muqaddas Safarali qiziga hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan talabaning shaxsini sir saqlagan holda universitet talabalarini tanishtirsin.

3.Fakultet dekani (D.Umarxanova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

4.Mazkur buyruq bajarilishini nazorat qilish prorektor A.Hashimxonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Boshqarma boshlig'i

S.BOZAROV



Direktor

SH.PO'LOTOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Katta yuriskonsult

A.TURSUNOV

